

Ugovorne strane:

Ministarstvo unutrašnjih poslova Kantona Sarajevo, ulica La Benevolencije broj 16, koje zastupa ministar, Admir Katica, (u daljem tekstu: Kupac) i

R&S d.o.o. Sarajevo, ulica Igmanska b.b., ID broj 4200056290005, koje zastupa direktor, Kemal Selmanagić, (daljem tekstu: Dobavljač)

zaključile su:

UGOVOR

o nabavci kancelarijskog materijala za potrebe Ministarstva unutrašnjih poslova Kantona Sarajevo

Član 1.

Predmet ugovora je nabavka kancelarijskog materijala za potrebe Ministarstva unutrašnjih poslova Kantona Sarajevo, sukcesivno.

Ugovor se zaključuje u skladu sa uslovima iz tenderske dokumentacije, odredbama Okvirnog sporazuma broj 01-11-4-4764-3 od 20.10.2022. godine i prihvaćenom ponudom Dobavljača.

Nabavka je izvršena na osnovu Odluke broj 01-11-4-4764 od 04.08.2022. godine i

Obavještenja o nabavci broj 1364-1-1-66-3-46/22 od 22.08.2022. godine.

Ponuda Dobavljača broj 25893/22 od 14.09.2022. godine čini sastavni dio ugovora.

Član 2.

Ukupna vrijednost ovog Ugovora bez PDV-a iznosi 120.531,76 KM, (stotinudvadesethiljadapetstotinatridesetjedan i 76/100 KM).

Cijene se ne mogu mijenjati za vrijeme važenja ovog Ugovora, osim u slučajevima predviđenim u članu 75. Zakona o izmjenama dopunama Zakona o javnim nabavkama.

Član 3.

Kupac će ugovorenu cijenu plaćati u roku od 30 dana po dostavljanju fakture.

Član 4.

Dobavljač je dužan da sukcesivno isporuče ugovorenu robu prema zahtijevu Kupca u roku od 3 dana (po pozivu Kupca).

Eventualne reklamacije na izvršenu ulugu Kupac može uložiti pismenim putem u roku 8 dana od dana realizacije (izvršenja) usluge.

Prodavac se obavezuje da će reklamaciju riješiti u roku od 3 dana.

Član 5.

Garancija na predmetne robe se određuje prema garanciji proizvođača (deklaracija proizvođača), a za uništivače 12 mjeseci od dana isporuke robe.

Član 6.

Dobavljač je dužan da u roku od 10 dana od dana obostranog potpisivanja Ugovora, dostaviti garanciju za uredno izvršenje ugovora u obliku безусловne bankarske garancije u iznosu od 10% od vrijednosti ugovora, sa klauzulom plativo na prvi pisani poziv korisnika garancije i bez prava prigovora, sa rokom važnosti: rok izvršenja ugovornih obaveza + 30 dana

Član 7.

Ukoliko poslije zaključenja ovog ugovora nastupe okolnosti više sile koje dovedu do ometanja ili onemogućavanja izvršenja obaveza definisanih ugovorom, rokovi izvršenja obaveza će se produžiti za vrijeme trajanja više sile.

Viša sila podrazumijeva ekstremne i vanredne događaje koji se ne mogu predvidjeti, koji su se dogodili bez volje i uticaja strana u ugovoru i koji nisu mogli biti spriječeni od strane

pogođene višom silom. Višom silom mogu se smatrati poplave, zemljotresi, požari, politička zbivanja, imperativne odluke vlasti i slično. Strana u ugovoru koja je pogođena višom silom, odmah će u pisanoj formi obavijestiti drugu stranu o nastanku nepredviđenih okolnosti uz prilaganje odgovarajućih dokaza.

Član 8.

Kupac nema pravo da zapošljava, u svrhu izvršenja ugovora o javnoj nabavci, fizička ili pravna lica koja su učestvovala u pripremi tenderske dokumentacije ili su bila u svojstvu člana ili stručnog lica koje je angažovala komisija za nabavke, najmanje šest mjeseci po zaključenju ugovora, odnosno od početka realizacije ugovora.

Član 9.

Ovaj ugovor stupa na snagu danom obostranog potpisivanja i traje do realizacije ugovorenog iznosa ali ne duže od trajanja okvirnog sporazuma.

Član 10.

Sva, eventualno sporna pitanja rješavat će se dogovorom, štiteći obostrane interese. U slučaju nemogućnosti zajedničkog rješenja, eventualno nastalog spora, spor će rješavati nadležni sud u Sarajevu.

Član 11.

Ovaj ugovor izrađen je u četiri istovjetna primjerka, od kojih po dva zadržava svaka strana.

~~DOBAVLJAČ~~
~~R&S d.o.o. Sarajevo~~
~~direktor, Kemal Selmanagić~~



~~KUPAC~~
~~KANTON SARAJEVO~~
~~minister Admir Katica~~

Broj: 511/2023
Datum: 16.06.2023. godine

Broj: 01-11-4-4764-4
Datum: 16.06.2023. godine